

Penganggur miliki dadah dipenjara enam bulan

KUCHING: Mahkamah Majistret di sini, semalam menjatuhkan hukuman penjara enam bulan terhadap seorang penganggur lelaki yang mengaku bersalah memiliki 0.06 gram Methamphetamine.

Sammy Abdullah, 41, didakwa melakukan kesalahan itu sekitar jam 3.45 petang pada 31 Mac 2026 di sebuah premis di Batu 5, Jalan Matang-Batu Kawa di sini.

Pertuduhan dibuat mengikut Seksyen 12(2) Akta Dadah Berbahaya (ADB) 1952 dan dihukum di bawah Seksyen 12(3) akta sama yang membawa hukuman denda maksimum RM100,000 atau penjara maksimum lima tahun atau kedua-duanya sekali, jika sabit kesalahan.

Fakta kes mendedahkan polis menahan tertuduh pada hari kejadian susulan disyaki terlibat dalam kegiatan penyalahgunaan dadah.

Hasil pemeriksaan ke-

mudiannya membawa penemuan sebuah botol plastik di atas lantai tempat tertuduh ditahan, di dalamnya berisi satu peket plastik lutsinar kecil mengandungi ketulan-ketulan kristal disyaki dadah jenis syabu dengan anggaran berat kasar 0.20 gram.

Tertuduh kemudiannya dibawa ke balai polis untuk tindakan lanjut.

Semasa dalam tempoh siasatan, barang tersebut dihantar ke Jabatan Kimia Malaysia Cawangan Kuching untuk ujian makmal dan laporan kimia bertarih 22 Mei 2026 mendapati ia mengandungi 0.06 gram dadah jenis Methamphetamine.

Pendakwaan dilakukan oleh Timbalan Pendakwa Raya Muhammad Aidil Akmal Sharidan dihadapan Majistret Nur Syaheeqa Nazwa Radzali.

Tertuduh tidak diwakili peguam.